


2018ko urtarrilean erregistratutako langabezia

2018ko urtarrilean zehar LANBIDEko bulegoetan 779 langabe gehiago erregistratu dira. Horrek esan nahi du hazkundera balore erlatiboetan %0,61koa izan dela, eta 128.326 langabe daudela. Hilabete ona izan da nahiz eta langabezia hazi. Datua aurreko urteetako datuekin alderatzen badugu, hilabete ona izan dela esan dezakegu, azken 15 urteetako hazkunde apalena izan baita.

Langabetuen hilabeteko saldoaren bilakaera



Urte arteko eboluzioari dagokionez, 10.751 pertsonetan murrizten da langabezia. Hilabete honetan gelditu egin da urte arteko murrizketaren erritmoa apaltzearen tendentzia.

Erregistratutako langabetuen urte arteko saldoaren bilakaera



• S E X U A

Azken hilabeteen langabezia emakumezkoen artean hazi egin da eta gizonezkoen artean murriztu. Lehenengoen artean %2,61 hazi da eta bigarrenen artean %1,88 murriztu. Urtearteko saldoari dagokionez, gizonen artean %10,95 murriztu da, eta emakumeen artean, berriz, %5,10 soilik. Gaur egun langabeen %56,62 emakumeak dira. Krisia hasi zenean, aldiz, langabe kopurua berdintsua zen bi sexuetan, gizonezkoen artean langabezia orain baino handiagoa zen eta. Gizonezkoen artean krisiaren eragina handiago izan zen, baina talde hau errekonferentzia ahalmen handiago erakusten ari da.

• A D I N A

Azken hilabete honetan langabezia adin tarte guztietan hazi da, 35-44 urte artekoen artean izan ezik. Hazkunde handiena 16 eta 25 urteko pertsonen artean izan da. Urte arteko saldoan korrelazio handia ikusten da langabeziaren jaitsieraren eta langabezian dauden lan eskatzaileen adinaren artean. Langabeen ia erdiak 44 urte baino gehiago ditu, laurden batek ez ditu 35

2018ko urtarrilean erregistratutako langabezia

urte baino gehiago eta beste laurdenak 35 eta 44 urteen artean kokatzen dira. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharren artean.

• J A R D U E R A E K O N O M I K O A

Urtarrilean zehar langabezia Zerbitzu sektorean 1.542 pertsonetan hazi da, industrian 560 pertsonatan murriztu, eraikuntzan 265 pertsonetan murriztu, eta lehen sektorean 57 pertsonatan murriztu. Aurretik enplegurik izan ez dutenen artean 119 pertsonetan hazi da. Balore erlatiboetan eta aurreko urteko datuarekin alderatuz eraikuntza sektoreko murrizketa nabarmentzen da, %16,53ko jaitsiera, baita industria sektorekoa (%9,83ko jaitsiera) ere.

Datuak zehatzago aztertuta, langabezia jaitsiera handiena izan duten jarduerak enpleguarekin erlazionatutakoak izan dira 476 langabetu gutxiagorekin. Jaitsiera nabarmenak izan dituzten beste jarduerak ondorengoak izan dira: hezkuntza (-313), produktu metalikoen fabrikazioa (-185), eraikinen eraikuntza (-148) eta metalurgia (-113). Urtarrilean langabeziaren igoeragatik nabarmentzen diren jarduerak hauek dira: egoitzetako laguntza (+476), txikizkako merkataritza (+468) edo janari eta edarien zerbitzuak (+273).

• L A N G A B E Z I A R E N I R A U P E N A

Hilabete honetan, epe laburreko langabezia 549 pertsonatan hazi da eta epe luzekoa 230 pertsonatan. Urte osoari begiratuz gero, ikusten da jaitsiera handiagoa izan dela epe laburreko langabeen artean (%8,56 eta %6,97%). Ekonomiaren susperraldia, bada, aukerak eskaintzen ari da langabe kronifikatuenei.

• L A N G A B E T U E N K O K A P E N G E O G R A F I K O A

Azken hilabeteen langabezia Araban hazi da gehien, %1,45eko hazkundera, 300 langabe gehiago. Bizkaian %0,64 hazi da, 469 langabe gutxiago, eta Gipuzkoan %0,03 langabe gehiago erregistratu dira, 10 langabe gehiago.

Urte arteko saldoari erreparatuz Gipuzkoak erregistratu du eboluzio onena %10,17ko jaitsierarekin, Arabak jarraitzen dio %8,09ko jaitsierarekin; Bizkaian %6,45 murriztu da. Erregistratutako langabezia indizea Gipuzkoan %9,9koa da, Bizkaian eta Araban nabarmen altuago da, %13,4 eta %12,9 hurrenez hurren.

Hiriburuak aztertuta, ikusten da Bilbon jaitsi dela gehien langabezia, azken hilean 383 langabe gutxiago zenbatu dira, Gasteizen 382 langabe gehiago zenbatzen dira eta Gipuzkoan 209 gehiago. Beste eskualde hauetan ere nabarmen egin du behera langabeziak abenduan: Durangaldea (-323), Deba-Behera (-116) eta Lea-Artibai (-78).

• L A N G A B E Z I A - P R E S T A Z I O A

2018ko urtarrilean 37.780 langabek kobratu dute langabezia-prestazioaren bat, hau da, aurreko hilean baino 1.657 langabe gehiagok. Langabeen %29,4k du gizarte-prestazio hori jasotzeko eskubidea. 22.101 langabek jasotzen dute ordaindutakoaren arabeko prestazioa, hau da, langabeen %17,2 dira horiek. 15.679 langabek (%12,2), berriz, langabeziagatiko prestazioa jasotzen dute. Gipuzkoa da babes tasa handiena duen lurraldea (%32,8), Araban %28,3koa da eta Bizkaian %28,2koa.

Aurreko hilarekin alderatuz, langabeziagatiko estaldura-tasak 1,1 puntu hazi da, aurreko urtearekin alderatuz 0,3 puntu murrizten da.

2018ko urtarrilean erregistratutako langabezia

• IKASKETA MAILA

Langabeen %61,7k (79.146 lagun), oinarrizko ikasketak ditu, gehienez ere. Azken hilean, oinarritzko prestakuntza dutenen artean 219 langabetu gutxiago erregistratu dira. Talde horretan %8,2 jaitsi da langabezia azken urtean. Hilabete arteko erlazioan murriztu den talde bakarra da eta urte arteko erlazioan gehien murrizten dena.

Batxilergo-titulua duten pertsonak langabeen %8,7 dira. Talde horretan %1,06 hazi da langabezia azken hilean, eta azken urtean %7,01 murriztu.

Lanbide-heziketa ikasi eta langabezian dauden lagunak 22.249 dira, hau da, langabeen %17,3. Talde hau urtarrilean zehar %3,52 hazi da, eta azken urtean %7,62 murriztu da.

Azkenik, langabeen %12,3k (15.804 lagun), egin ditu unibertsitateko ikasketak. Ikasketa maila hau dutenen artean %0,8 hazi da langabezia azken hilabetean eta %5,97 murriztu azken urtean.

• JATORRIA

Langabeen %15,9 (20.443 lagun), atzerritarrek dira. Aurreko urteko abenduarekin alderatuta, ikusten da langabezia murriztu egin dela atzerritarren artean, %1,40, eta bertakoen artean %1 hazi.

Langabe atzerritarren %36,1a Afrika iparraldekoak dira, %20,6 Latinoamerikatik datoz, %19,7a Europako Esparru Ekonomikotik, %15,3a Saharaz hegoaldeko Afrikatik, eta %5,3, azkenik, Asiatik.

• KONPARAKETA ESTATUKO DATUEKIN

Estatuan 63.747 langabe gehiago daude. Horrek esan nahi du langabezia %1,87 hazi dela eta orain, guztira, 3.476.528 langabe daudela erregistratuta; EAEn, aldiz, %0,61 hazi da. EAEn mugakide diren autonomia-erkidegoetan EAEn baino gehiago hazi da langabezia; Nafarroan %2,59 hazi da, Errioxan %1,48, Kantabrian %6,64, eta Gaztela eta Leonen %0,63. Katalunian %1,16 hazi da, eta Madrilan %3,18. EAE bilakaera onena izan duen hirugarren erkidegoa izan da.

Urte arteko bilakaeran langabeziaren murrizketa antzekoa izan da EAEn eta estatuan.

2018ko urtarrilean erregistratutako langabezia

Lan-eskatzaile langabeak 2018ko urtarrilean

	urt-2018	abe-2017	Saldoa	Bil %
SEXUA:				
GIZONEZKOAK	55.672	56.740	-1.068	-1,88
EMAKUMEZKOAK	72.654	70.807	1.847	2,61
25 URTEZ AZPIKOAK:				
GUZTIRA	7.348	7.073	275	3,89
GIZONEZKOAK	3.579	3.482	97	2,79
EMAKUMEZKOAK	3.769	3.591	178	4,96
25-44 URTE:				
GUZTIRA	57.309	57.627	-318	-0,55
GIZONEZKOAK	24.167	25.072	-905	-3,61
EMAKUMEZKOAK	33.142	32.555	587	1,80
45 URTEZ GORAKOAK:				
GUZTIRA	63.669	62.847	822	1,31
GIZONEZKOAK	27.926	28.186	-260	-0,92
EMAKUMEZKOAK	35.746	34.661	1.085	3,13
SEKTOREA:				
NEKAZARITZA ETA ARRANTZA	2.933	2.990	-57	-1,91
INDUSTRIA	15.347	15.907	-560	-3,52
ERAIKUNTZA	10.238	10.503	-265	-2,52
ZERBITZUAK	85.173	83.631	1.542	1,84
AURREKO ENPLEGURIK GABE	14.635	14.516	119	0,82
LURRALDE HISTORIKOA:				
ARABA	20.939	20.639	300	1,45
BIZKAIA	73.405	72.936	469	0,64
GIPUZKOA	33.982	33.972	10	0,03
EAE	128.326	127.547	779	0,61

	Lan-gabe-tuak	Erregistratu-tako langabe-zia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bidasoa Behera	4.325	11,7%	50	1,17	-515	-10,64
Oarsoaldea	3.852	11,1%	26	0,68	-490	-11,29
Donostia-S.Seib.	8.532	9,6%	209	2,51	-606	-6,63
Donost.Mendebaldea	3.317	9,5%	-49	-1,46	-417	-11,17
Tolosaldea	2.254	10,0%	-8	-0,35	-258	-10,27
Urola Erdia	1.432	9,7%	-25	-1,72	-198	-12,15
Goiherri	1.636	8,0%	-72	-4,22	-249	-13,21
Deba Garaia	2.583	8,6%	-20	-0,77	-402	-13,47
Deba Behera	3.031	11,8%	-116	-3,69	-338	-10,03
Urola Garaia	1.170	10,0%	-21	-1,76	-153	-11,56
Urola Kosta	1.850	8,6%	36	1,98	-221	-10,67
GIPUZKOA	33.982	9,9%	10	0,03	-3.847	-10,17
Vitoria-Gasteiz	16.454	13,5%	382	2,38	-1.374	-7,71
Aialako Ibarra	2.425	13,2%	-70	-2,81	-207	-7,86
Arabar Errioxa	736	13,5%	-13	-1,74	-76	-9,36
Arabako lautada	737	10,1%	-3	-0,41	-94	-11,31
Gorbeia inguruak	254	5,6%	9	3,67	-48	-15,89
Arabako Ibarak	412	8,4%	2	0,49	-42	-9,25
Arabako Mendialdea	117	8,0%	2	1,74	-16	-12,03
ARABA	20.939	12,9%	300	1,45	-1.844	-8,09
Gobela	5.305	10,3%	100	1,92	-275	-4,93
Txorierri	2.454	11,1%	73	3,07	-241	-8,94
Uribealdea	3.259	9,9%	102	3,23	-361	-9,97
Durungaldea	3.473	9,5%	-323	-8,51	-327	-8,61
Busturialdea	2.398	11,1%	-10	-0,42	-253	-9,54
Lea-Artibai	1.040	8,6%	-78	-6,98	-8	-0,76
Enkarterriak	2.380	15,4%	47	2,01	-243	-9,26
Arratia-Zornotza	1.553	9,1%	-29	-1,83	-190	-10,90
Arratia-Nerbioi	1.495	11,6%	17	1,15	-123	-7,60
Bilbo	25.234	15,3%	84	0,33	-1.528	-5,71
Ezkerraldea	19.561	16,0%	383	2,00	-1.059	-5,14
Ibaizabal	5.057	13,0%	94	1,89	-439	-7,99
BIZKAIA	73.405	13,4%	469	0,64	-5.060	-6,45
EAE	128.326	12,2%	779	0,61	-10.751	-7,73